

## **MEI-VEKANSIE**

*De blage bóffe dit jaor weer  
Twieë waeke lang neet nao schoeël  
Want vekansie, det hebbe zeej gaer  
Gen hoèswerk , gen gefioeël  
Lekker nao boète, de zandbak, 't strand  
Ravotte in de speultuin, in 't bós of op de hei  
Ein lekker ieske in de hand  
En ouk 't buurjungske duit mei  
Maar dit jaor luuët 't zunke 't aafweite  
Hilt zich schuul achter ein wolkedek  
Deze vekansie neet plekke en zweite  
Maar de jas aan en bekans de sjaal nog um de nek  
Mam wuurt tureluuts van det grut um eur haer  
Met waspinkes en daekes wuurt ein hut gebouwd  
Vraoge um snuupkes, liemenaad en teikenpepeer  
Speulgood wuurt nao ónder gesjouwd  
D'n tillevisie steit de godgansen daag aan en  
De kompjoeter dreit minnig euveroor  
Chatte met 't buurmaedje op msn  
Dinger die se normaal rups euver de moor  
Maar och, 't haet toch waal wat  
Vekansie, de jónge lekker um dich haer  
Al hadde weej dan lever waat baeter waer gehad  
Die zón, och die kump ech waal weer  
Want zoeë wie 't spraekwaord zaet  
Nao raegen kump zónneschien  
En wae det in gedachte haet  
Haet van dit waer gen centje pien*

**Diana Vullings-Smeets (Venlo)**

**Veldeke Limburg**

